

# AKTI I THEMELIMIT DHE STATUTI

## I SHOQËRISË ME PËRGJEGJËSI TË KUFIZUAR "TIRANA TAXI" SH.P.K.

### KREU I

THEMELIMI, EMRI, FORMA LIGJORE, SELIA, OBJEKTI, KOHËZGJATJA

#### NENI 1

##### THEMELIMI

**Sot në datën 02/10/2023, Z.LLAMBI MITI**, shtetas shqiptar, lindur në Vlorë më 07/02/1959 dhe banues në Tiranë, Shqipëri, madhor me zotësi të plotë juridike dhe për të vepruar; si dhe **Z.Tomas Miti**, shtetas shqiptar, lindur në Vlorë më 06/07/1994 dhe banues në Tiranë, Shqipëri, madhor me zotësi të plotë juridike dhe për të vepruar, kanë vendosur të themelojnë, në Tiranë, një shoqëri me përgjegjësi të kufizuar, në përputhje me kërkesat e ligjit Nr. 9901, dt 14/4/2008 "Për Shoqëritë Tregtare dhe tregetaret" dhe ligjet e tjera në fuqi të Republikës së Shqipërisë.

#### NENI 2

##### EMRI, FORMA LIGJORE

Emri i shoqërisë është "**TIRANA TAXI**" Sh.p.k;

Shoqëria është themeluar si Shoqërisë me Përgjegjësi të Kufizuar, si person juridik, në përputhje me legjislacionin shqiptar;

Shoqëria fiton personalitet juridik me rregjistrimin e saj në Qendrën Kombëtare të Biznesit;

Aktiviteti i shoqërisë do të zhvillohet në përputhje me ligjet e Republikës së Shqipërisë dhe dispozitave të paraqitura në këtë Akt Themelimi dhe Statut.

#### NENI 3

##### SELIA

Shoqëria me përgjegjësi të kufizuar "**TIRANA TAXI**" Sh.p.k. do ta ketë selinë e saj në Tiranë, Njësia Bashkiake Nr.5, Rruga "Tish Daija", Kompleksi "Kika", Godina Nr.9.

#### NENI 4

##### OBJEKTI

Shërbime në fushën e transportit të udhëtarëve. Shërbime taksi për publikun si brenda territorit të Shqipërisë dhe jashtë saj. Transporti urban dhe interurban në funksion të shërbimit Taxi të udhëtarëve, në përputhje me çdo ligj të zbatueshëm dhe rregulloreve të fushës përkatëse.

Çdo veprimtari tjetër ekonomike që do të konsiderohet e nevojshme dhe e dobishme për realizmin e qëllimit të Shoqërisë.

#### NENI 5

##### KOHËZGJATJA

Shoqëria me përgjegjësi të kufizuar themelohet për të ushtruar veprimtarinë e saj për një periudhë të papërcaktuar. Shoqëria mund të mbarojë aktivitetin e saj për shkaqe e arsye të ndryshme, dhe kjo do të bëhet në përputhje me normat e Statutit dhe Legjislacionit në fuqi.

**KREU II**  
**NENI 6**  
**KAPITALI FILLESTAR I SHOQËRISË**

Kapitali bazë i themelimit të Shoqërisë është 3.000.000 (tre milion) lekë, i ndarë në dy kuota, të cilat zotërohen nga ortakët e shoqërisë:

Llambi Miti, lindur në Vlorë dhe banues në Tiranë, identifikuar me mjetin e identifikimit me numër 032509208, zotërues i një (1) kuote me vlerë 1.500.000 lekë (një milion e pesëqindmijë) që përbën 50% të kapitalit themeltar dhe

Tomas Miti, lindur në Vlorë dhe banues në Tiranë, identifikuar me mjetin e identifikimit me numër 037935069, zotërues i një (1) kuote me vlerë të përgjithshme 1.500.000 lekë (një milion e pesëqindmijë) që përbën 50% të kapitalit themeltar;

Kuotat e ortakëve të shoqërisë janë lirisht të transferueshme, sipas legjislacionit në fuqi;

Ortakët e shoqërisë janë përgjegjës ndaj Shoqërisë me përgjegjësi të kufizuar për të gjitha detyrimet e marra përsipër dhe përgjigjen për detyrimet ndaj të tretëve deri në kufirin e vlerës së kontributit të tyre në kapitalin themeltar.

**KREU III**  
**ORGANET DREJTUESE TË SHOQËRISË**  
**NENI 7**  
**ASAMBLEJA E PËRGJITHSHME**

Asambleja e përgjithshme, e thirrur ligjërisht dhe e mbledhur në mënyrë të rregullt, është organi më i lartë vendimmarrës i shoqërisë. Vendimet e marra prej saj, në përputhje me legjislacioni në fuqi dhe dispozitat e këtij Akti themelimi e Statuti, janë të detyrueshme për tu zbatuar e ndjekur.

Asambleja e përgjithshme ka këto funksione e përgjegjësi:

- përcaktimin e politikave tregtare dhe ekonomike të shoqërisë dhe mbikqyrjen e zbatimit të tyre nga administratori i shoqërisë, përfshirë raportimet financiare
- emërimin dhe shkarkimin e administratorëve
- emërimin dhe shkarkimin e likujduesit dhe ekspertit kontabël të autorizuar
- miratimin e pasqyrave financiare vjetore dhe raporteve të ecurisë së veprimtarisë të përgatitura nga administratori
- vendimin për ndryshime në këtë akt themelimi dhe statut
- vendimin për zmadhimin ose zvogëlimin e kapitalit
- vendimin për shpërndarjen e fitimeve, dividendëve
- vendimin për pjesëtimin e kuotave
- vendimin për krijimin e marrëveshjeve që lidhen me shitjen, blerjen, pjesëmarrjen dhe investimin në projekte ekzistuese e të reja
- vendimin për dhënien dhe marrjen e huasë për financim biznesi
- vendimin për blerje pasurie të paluajtshme
- vendimin për bllokimin dhe lënien peng të pasurive të paluajtshme pranë ZRPP
- marrjen e vendimit për prishjen dhe likuidimin e shoqërisë
- miratimin e mbikqyrjes dhe ndjekjes së zbatimit të buxhetit, apo dhe shpenzimeve të paparashikuara në buxhet
- marrjen e cdo vendimi tjetër të parashikuar nga ligji shqiptar.

**NENI 8**  
**MBLEDHJET E ASAMBLESE SË PËRGJITHSHME**

- (1) Administratorët thërrasin Asamblenë e Përgjithshme dhe, me kërkesën e ortakëve sipas Nenit 84 të Ligjit, do të procedojnë me thirrjen e Asamblesë së Përgjithshme;



- (2) Mbledhja e Asamblesë së Përgjithshme thirret nëpërmjet një njoftimi të dërguar me postë ose postë elektronike (email) drejtuar çdo ortaku. Njoftimi me shkrese apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakeve, jo më vonë se 7 dite përpara datës së parashikuar për mbledhjen e asamblese;
- (3) Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë;
- (4) Asambleja e përgjithshme thirret nga administratori ose nga një a më shumë ortakë që përfaqësojnë të paktën 5% të kapitalit të shoqërisë;
- (5) Në rastin e marrjes së vendimeve që kërkojnë shumicë të zakonshme, asambleja mund të marrë vendime të vlefshme vetëm nëse marrin pjesë ortakët me të drejtë vote që zotërojnë më shumë se 30% të kuotave;
- (6) Në rastin e marrjes së vendimeve që kërkojnë shumicë të kualifikuar, asambleja mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë apo me mjete elektronike;
- (7) Nëse asambleja e përgjithshme nuk mund të mbledhet për shkak të mungesës së kuorimit të përmendur më sipër, Asambleja mbledhet përsëri, jo më vonë se 30 ditë, me të njetin rend dite.

#### NENI 9

##### MANDATI, TË DREJTAT DHE PËRGJEGJËSITË E ADMINISTRATORIT

- (1) Shoqëria administrohet nga 1 (një) administrator i emëruar nga Asambleja e Përgjithshme;
- (2) Shoqëria do të administrohet nga Z.Tomas MITI, shtetas shqiptar, lindur në Vlorë më 06.07.1994 dhe banues në Tiranë, identifikuar me nr karte identiteti 037935069 dhe nr personal J40706075P, në përputhje me Statutin dhe dispozitat respektive të Ligjit 9901 "Për Shoqëritë Tregtare dhe tregtarët";
- (3) Administratori është i zgjedhur për 5 vjet me të drejtë rizgjedhjeje, bazuar në vendimin e Asamblesë së përgjithshme që vendos për revokimin, rinovimin apo emërimin e administratorit të ri;
- (4) Shoqëria prezantohet ndaj të tretëve nëpërmjet administratorit;
- (5) Administratori ka të drejtat dhe detyrimet e mëposhtme:
  - a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
  - b) përfaqësojnë shoqërinë tregtare;
  - c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
  - ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;

- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
  - dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
  - e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
  - f) kryejnë detyra të tjera të përcaktuara në ligj dhe në statut.
- (6) Administratori mund të autorizojë, nëpërmjet një procedure, një person të tretë për të përfaqësuar shoqërinë
- (7) Administratori është përgjegjës ndaj shoqërisë për cdo dëm të shkaktuar si pasojë e mospërbushjes së përgjegjësive të parashikuara në statut dhe legjislacionin në fuqi.

#### KREU IV

#### VITI FINANCIAR – SHPËRNDARJA E FITIMEVE

##### NENI 10

#### VITI FINANCIAR

Me përjashtim të vitit të parë të aktivitetit, që fillon nga data e themelimit të shoqërisë, viti financiar fillon më datën 1 janar dhe përfundon më 31 Dhjetor.

##### NENI 11

#### SHPËRNDARJA E FITIMEVE

1. Pas miratimit të Pasqyrave Financiare vjetore, Asambleja e Përgjithshme vendos në lidhje me shpërndarjen ose jo të fitimit, nëse ka.
2. Shoqëria mund t'u shpërndajë fitime ortakëve, vetëm nëse, pas pagimit të dividendit:
  - a. Aktivet e shoqërisë mbulojnë tërësisht detyrimet e saj
  - b. Shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

#### KREU V

#### PRISHJA DHE LIKUJDIMI I SHOQËRISË

##### NENI 12

Prishja dhe likuidimi i shoqërisë do të kryhet në përputhje me legjislacionin shqiptar në fuqi.

#### KREU VI


#### BAZA LIGJORE

1. rregullat për funksionimin dhe drejtimin e shoqërisë janë përcaktuar në këtë statut dhe akt themelimi si dispozitat e legjislacionit shqiptar në fuqi;


2. për sa nuk parashikohet në këtë statut e akt themelimi, do të zbatohen dispozitat e Ligjit "Për tregtarët dhe shoqërite tregtare", Kodit Civil dhe çfarëdo ligji tjetër specifik në Republikën e Shqipërisë,

Ky dokument përpilohet në katër kopje, duke patur secila kopje fuqi të plotë ligjore.  
Ortakët nënshkruan me vullnet të plotë këtë akt me përmbajtjen e sipërme.

ORTAKËT THEMELUES  
TË SHOQËRISË "TIRANA TAXI" SHPK



(Emër, mbiemër, nënshkrim)



(Emër, mbiemër, nënshkrim)